

新

野

縣

志

元

T 3145.0262.83

1

CHINESE - JAPANESE LIBRARY OF
HARVARD - YENCHING INSTITUTE

AT HARVARD UNIVERSITY

JUN 25 1936

Gift of

East Asiatic Society

新野縣志序

新之有乘創於司白鹿先生迄

國朝而繼以滋陽曲阜鄒平數君

屢經筆削考覈精詳稱爲善本

後營州武君再加搜羅勒成完書

有功於茲乘者蓋嘆積薪矣第其

序
書修於康熙五十一年歷今四十
餘載閱年既久缺遺必多凡循良
之美績賢哲之茂行節孝之芳
科貢之名籍與夫沿革建置之
人物戶口之數藝文名實之
關政教之鉅者乃人

將何述焉余自癸酉夏甫蒞
披覽志乘卽有慨然增修之志

大中丞蔣公 方伯圖公先後機
孜孜以修志爲守土之責乃
邑之同官學博伊陽董君高安
君并邑中紳士之有學行者

廉等廣詢博訪亟惟鉷輯而新是
圖其中有應因者則因之有應增
者則增之有應訂譌而補遺者則
校讐而釐正之諸如職官之燦設
選舉之詳明山川河圖之布歷城
池公解學校之增葺郵置賦

設之蹟與以及名宦
烈賢節風藝文之星羅而碁布莫
不考正綜覈期無遺舛續爲成編
閱數月而功始竣是役督率者
上憲勲事者諸賢余譎陋不文其
敢自以爲無歉乎然竊惟志者史

之流也彰往而訓來弗訓弗彰奚
以志爲是故紀載欲實實則信去
取欲直直則公聞見欲博博則該
文詞欲工工則傳該與工余媿未
之逮也若不公不信則余之心不
敢也而余之志差可共白也緣綴

數言而弁其首

乾隆十九年歲次甲戌夏月

特授文林郎知河南南陽府新野縣
事定陽徐金位石谿甫撰



新野縣志圖

縣境

城池

縣署

學宮

八景

漢臺朝雨

內苑春雲

雁浦秋風

彈湖芳草


龍溝夜月

蔓山晴雪

古渡烟籠

清水湍波

縣境圖 東至唐縣界三十五里



東南至襄陽縣界四十五里

諸葛圭

城九女

唐河

內苑春雲

劉文龍墓

船塢

雁湖

彈湖

漢堂朝雨

江莊

舊白河

石夫望

南陽縣界五十五里

東

田九店

沙河

溧河

小澗河

西至鄧州界三十五里

蔓山晴雪

精塔

漢

清水湍波

澗河

桃湖莊

西至鄧州界十五里

小蔓山

河

西南至襄陽縣界四十五里

漢武塲

乾明寺

節節

風雲雷雨壇

武侯閣



沙壇



新鋪



鋪

通鋪

黃水







漢臺朝雨



光武臺荒水自流於台功業豈能

秋曉煙籠林如碧玉翠嶺自侵松似

畫一燕眠色未闌山影靜溪之初


散日光浮灑瀉為帛當年身惟

有閑花隴上

詩正任



內苑春雲



春光如畫日遲遲、內苑柳花垂

殿輝瑞色鶴鸞翔、呈祥氣翮遶鳳

翥若雨絲絲、初訝輕煙把郁、遙

物香霧染、月宮花開似錦當年

以得是、新詩

石銘位



雁浦秋風



江浦秋深水泊天雁聲嗙嗙叫

煙蘆花搖曳看難定紅蕖寫寫

北復眠帆曉侵霜系陸跡

送客帆物遠將出露妝種艷

冬浮雲待月圓

徐堂位



彈湖芳草



彈湖春水接晴川
蕙草芳艸盡

前香自註
為久不鳴
只為芳艸

流連一灣翠
色粘天碧
滿地香

暝月圓
寂是梁園
花為後
新

一系點
更堪情

徐至位



龍溝
夜月



龍溝伏龍、已飛在來明月猶依

潺湲流水把愁思皎、銀漢增光輝

春暖存花和浪靜秋涼黃葉隔林

稀澹波如練侵霜色一片清光接

翠微

許登任



蔓山晴雪



朔風凜冽吹同雪飄落瓊瑤滿

山澗侍臣衣上冰花明謝女庭前

歌紫萸華以不見蔓荆山恍如

人在萸田圃却喜春風到眼前

長安日近恩光溥

海至位



古渡烟籠



烟籠古渡
 舟楫野渡
 無人到花
 在石上

芳洲舟楫野渡無人到花
 在石上

空自流隔岸春山渺黛
 綠沿隄

碧水泛晴鷗家樓堤畔
 青二柳

縷千絲分外幽

以全任



清水湍波



二水環流抱義陽鳳兮如帶

襄江帆檣匝地連雲動桃柳沿隄

夾岫香濼溉自如瓦利於疏室以

示功長每製錦無生績亦深

長樂軍一月

年全位



檄文

授南陽府正堂加一級紀錄二次陶 為飭查事案
蒙

授河南等處承宣布政使司布政使加三級紀錄五
次圖 牌蒙

欽命兵部右侍郎兼都察院右副都御史巡撫河南等
處地方兼提督銜節制全省軍務兼理河道加五
級紀錄八次蔣 牌開照得郡邑之有志乘猶玉
國之有史書所以褒德錄賢發潛摠幽獎風俗奠

教化所關綦重今聞各屬志書如光州等屬間有
尚未修輯者若不卽爲纂集何以信今傳後亦非
守土所宜合行飭查爲此仰司官吏卽便確查各
屬志書何處尙有未修應令作何查修之處詳報
核奪毋違等因到司蒙此擬合就行爲此仰府官
吏查照奉

院牌內事理卽便確查該府並所屬志書何處尙有
未修應令作何查修之處作速詳報以憑轉報毋
違等因到府蒙此擬合就行爲此仰縣官吏查照

奉

院牌內事理卽便確查該縣志書有無未修並應
作何查修之處星速詳報以憑轉報毋違須臾

原序

前邑令 崔誼之 膠東人

東薪一覆陽豫兆於九月而史筆絕矣蓋理不必循
其實文不必起其人則筆可焚也且如質辨直核不
虛微而隱惡有如子長其良虐而已有口舉舌顧之
疑壽收思廉以逞可知已雖然周禮四方之志掌之
外史寧唯郡國之山川謠俗物產貢賦爲彙擲

主啟圖追述大典辨貞淫別異同勸懲殷焉矣新不百
里猶號文獻鼎峙三臺環受八水漢世祖之龍興蜀
先帝所肇跡遠如高密近如太史忠孝廉節紉蘭挹

蒞山高水長之間衣冠雖渺風流儼存誼之膠東鄙

人一行作吏入境卽訪求邑乘僉謂司白鹿先生元

刻燬於兵燹靡有存者誼之時思討論附名策書而

邑介子午飛蹄走轡委積繁艱無雨晴明晦會滇黔

近光露布星流絡鞮重英之士怒饑猛寒賊瞬裂毗

且廐馬道斃郵政不支小有未至輒陵厲相向雖以

駢雅亦應氣盡矧如罷駑比奉檄

事釐修屬乘始從薦紳先生父老儒者蒐羅斷簡

談事篝燈簿書之餘舊訂金根之疑新竊編年

之傳誼之再易莫而竣於戲誼之家世萊予幼過不其

謹稱先賢祠曰卽墨大夫三史逸其名再過鄉之貧

女祠曰貧女不知何許人私計匹夫匹婦有懿行姓

字磨滅不昭於來茲亦失上考三古近逮

熙朝風俗人物莫不謹其終始表見其文俾荒邈音容

室廬可叩溪山名勝隨顧奔馳若夫進善無賤不進

退不善無貴不退於當世得失之林掬云備矣至前

賢時雋或登高而賦或遇物而銘周采之而問續以

貂亦陳詩之遺意也昔先王輯訓典而國無姦民蓋

繩陳則不可欺以曲直衡縣則不可欺以重輕識勸
 識懲未必不在是抑誼之有惴惴於此者新野雅醇
 驛騷之餘樹古風殘六年來雖經營慘淡士疇稍有
 生氣而麗技有窮覆餗滋懼迺
 朝廷不以爲不肖進褫逐而優以
 寵召後之君子知我罪我諱在斯編又安取妄儼斗屑
 吐教赤烏化黃與

原序

前邑令

趙國佐

滋人

聖天子嘉惠元元必首重國史非徒紀事紀人存一代之
 典章也正以貞淫美刺是是非非端人心崇風化以
 此爲第一義故端人正士忠孝節廉雖其天性然哉
 詩書之所養成者前賢之所景行者多也而奇奸窮
 兇輩不畏斧鑕不畏天地而回首後世之清議平日
 捫心未有不慙然者然以天下之大古今之遠而史
 之所載僅若彼是何披金於沙礫之間擧蘭於蒺藜
 之沚耶今夫山川形勝者昔人傳事輿圖考之詳矣

而近今之世窮簷桑樞間孝子貞士烈女節婦自不
乏人而嗣無紫衣家無青蚨沉淪於斷烟荒草間者
誰司風教豈不深可嘆息也哉則各省各郡邑之有
志以其近而父老之所傳聞與學校薦紳之所商論
於事爲真而且當所關豈淺鮮哉况夫同函胥字結
步搖奇足所未及輒爲烏有昔人不信蝦鬚長三尺
及到南海更有長四尺者關內伏羲臺霜晨雪夕卦
巽然閩中榕樹軟條如藤及地生根每一巨柯有
三四五寸徑十畝桂海龍隱洞中脚没水中泛舟至

下有大洞門高可百尺鼓棹而入仰觀洞頂有
雷跡天矯若印泥然諸凡奇異皆在矍矍一塊土中
豈必泛螺舟而渡海乘毛車以翔風然後託語殊靈
刊標怪秀乎且如佐東魯素士密邇曲阜聖踪賢跡
將不可指數遊孔林見

先師手植檜端木手植楷此天下共知也而中多不可
名狀之草木與七十二賢遺澤大半在魯人一一知
之乎即佐生長於此必按究志方見其載之詳且明
也佐時受

命蒞中州之新野不百里邑也蔓山白水可盡其山川
 形勢矣昔漢世祖肇跡於新雲臺將相推鄧仲華為
 第一華新人也投戈之風炳光史冊漢昭烈嘗牧於
 此得忠武侯魚水之歡新今猶存議事臺史冊無之
 其遺亦無之其後風流輩出散失草莽間者何可勝
 數在於單騎赴任後幸而先是上臺嚴檄纂修縣志
 書只取編付剗剗矣披圖而閱一邑之山川人物風
 俗或役較者指掌則各上臺之教益不肖佐於茲
 焉也都在更備備有大壘焉謂諸牧職西漢孔休

而下

國朝崔誼之而上某也賢某也愚某也於地方為若何
 某也止記姓名其中之美刺千百年如當日也佐任
 事於新野凋敝之餘將及越月對此葶苈形菜色之蒼
 赤百事叢脞其何以上不負

朝廷與各上臺下不負民生與所學也隕越之慮寢食
 為廢倘圖維有當則各上臺之盛舉修纂不止上有
 功

國史下有益蒼生而教益于不肖佐為鉅又豈僅教益

於佐已哉

原序

前邑令

張

璽

鄒人

嘗考周禮職方氏所掌天下之圖已不同禹貢之九州及考漢唐地理諸書又不同於周之職方時移世遷雖山川亦有變更况制度之沿革建置之興廢臣賦之多寡人物之隆汙藝文之華質災祥之有無以時損益有不可以百年者是以一代有一代之史一國有一國之史雖紀一時之盛衰亦所以寓褒貶以示來茲禹貢周禮而後如司馬氏之世紀列傳禮樂河渠平準諸書班氏紀傳郊祀食貨溝洫諸誌以迄

宋金遼元諸史皆一代之史也春秋而後如三蘇等
圖華陽國志諸書以及近代各郡縣志皆一國之史
也新自白鹿先生之誌燬無史矣有史自膠東崔君
老山始崔君於兵燹之餘撫歷朝之遺文叙昭代之
典章立爲綱者九條分爲目者四十二條今之舊志
是也繼修於滋陽趙君嵐曉又修於曲阜顏君北亭
踵事增華因質敷彩蒐羅益廣徵載愈備余承乏三
君子之後又幸際昌期吏治之暇不敢以拙劣自安
訪遺蹟於荒烟衰草諮軼事於父老傳聞分門別類

畧襲原文闡故拓新時出獨見取事務確不妨直書
立言戒煩實無溢美雖無當於著作之林不無關於
風教之事聞之王司徒阮亭先生曰近世志書能文
簡事覈訓詞爾雅無如康對山之武功志其次則王
漢陂之鄴誌呂涇野之高浚誌韓五泉之朝邑誌喬
三石之耀誌胡可泉之秦志趙浚谷之平涼志孫立
亭之富平志張光孝之華志皆秦人皆比美於對山
者三君子皆余鄉人皆官於新又皆有功於新志余
亦願竊附於三君子之後云

原序

邑令 武國權

新之興誌傳爲司白鹿先生著其書燼於兵火梨棗
無存迄乎

國朝膠東崔君老山來令是邑搜羅斷殘而書始成繼
有滋陽趙君嵐曉爲之增益則書再成至曲阜顏君
北亭鄒平張君寶菴纂輯損益書乃四成其間風土
人物災祥怪異操筆於數君子之手可謂考據精詳
訂正無訛矣張君紀後距今十有七年事之宜附載
籍人之當列典章者尙闕焉而未之叙夫十步之內

必有豐草十室之邑必有忠信新雖蕞爾區乎當
國家郅隆之運夫豈無山川之告瑞夫豈無景物之呈
祥夫豈無縉紳先生之建功立業夫豈無匹夫匹婦
之取義成仁已往有成憲而是日無紀編將其人其
事沒於荒烟蔓草間後有採風太史弔古逸人何以
追其軼事乎予於辛卯秋縮符斯邑卽奉 憲檄加
意纂訂柰以蒞事方始百務蝟集不克捉筆至改歲
我

編租殊恩催科政簡因肅公署採訪紳士取前人已
成之書參訂讐校或以目及之藻麗附益於其後或
以鄉舉之大節表章於其間不以臆見參不以誣罔
入敢曰足徵足信有功於著作之林也要亦煌煌大
典不辭固陋竊效顰於山左數君子之後或不至司
白鹿先生之遺意泯漠無傳而已矣是爲序

修志姓氏

鑒定

巡撫等處地方提督軍務兼理道兵部侍郎兼都察院右副御史蔣炳

炳

靖崖江蘇
湖人甲午

河南等處承宣布政使司布政使圖爾炳阿

滿洲正
白旗人

河南等處提刑按察使司按察使沈廷芳

荻林浙江
和人丙辰

河南布政使司分守糧儲驛鹽道翁藻

藻

樸存浙江
和人癸卯

河南分巡南汝光道兼管水利事務按察使司副使高照

照

奉天鑲
黃旗人

河南分巡開歸陳許兼理河務兵備道鄧錫禮

梅菴江西萍
鄉人乙丑

裁定

知河南南陽府陶士傑稽山湖南寧鄉人癸卯

南陽府軍捕水利同知佟世虎奉天鑲黃旗人

南陽府糧捕水利通判石岱奉天正白旗人

纂修

知河南南陽府新野縣徐金位石谿浙江常山人乙卯選拔

參閱

新野縣教諭董灝鶴峯嵩縣人庚子

新野縣訓導楊先甲新鄭人歲貢

督梓

野 野 于 總吳起

野 野 縣 典 史李一

參訂

邑 舉 入陶淑已

邑 廩 生馬天閑

邑 廩 生曹世龍

邑 增 廣 生趙中選

採輯

邑 生 員趙玠

邑

生

員魯詩

邑

生

員劉潔

邑

生

員趙珊

邑

廩

生張傑

邑

生

員徐登陞

邑

生

員陶樂

目錄

凡例

輿圖

卷一

輿地志

沿革

疆域

星野

山川

形勝

風俗

鄉都

集鎮

物產

卷二

建置志

城池

公署

學校

壇祠

郵置

倉庾

里甲

兵防

陂堰

津梁

卷三

秩官志

秩官

選舉

封廕

卷四

名宦志

卷五

人物志

名臣
里俠

孝義
節烈

懿行
方外

文學
流寓

隱逸

卷六

賦役志

版籍

鹽課

商稅

課運

卷七

古蹟志

寺觀

古蹟

寺觀

塚

卷八

祥異志

卷九

藝文志

傳
歌

記
頌

議
序

詩
啟

賦

新野縣志

凡例

一詳閱舊志序文書凡四成經前後數君子之手考核搜羅備極苦心然前人間有遺漏錯訛者不妨考其真實據事直書蓋志期傳信聞見果真雖聖經賢傳尚可補益原非與前人矜博洽較長短也

一舊志成於康熙五十一年迄今四十餘載其間有必不能不增者如人物戶口建置藝文之類是也

有必不能或增者如星野古蹟疆域形勝之類是

也不能增者固因其舊即應增者亦於從前所有註明舊志已載不掩前人之善

一舊志沿革列於卷首與疆域等項分爲兩冊倫次不孚今統入輿地志內庶幾如網在綱條而不紊

一新邑爲八水交會之地源流支派渠堰陂塘剔晰維艱舊志雖載畧而不詳今詳加考核并圖形勢

附於山川陂堰志內以備參考

一舊志秩官內遺韓醇陳公邱茂表未載三人於明

宗循廉節功在社稷何忍缺畧今查明史補入

庶不致淹沒弗傳

一舊志所載名宦膺祀典者自西漢迄

國朝僅十有六人其他政教可則忠義可傳雖未列祀

典舊志已詳其行事依年次編入抑思獨孤之

美孝寬寇義之繼跡萊公豈當年論列未及耶抑

世遠年湮典籍散軼傳之而失其真耶今仍其舊

亦善善欲長之意

一舊志秩官內祇載文員不及武職其間雖有捍禦

之勞忠勇之跡表表可傳者幾與荒烟蔓草等往

蹟不彰來茲何鑑今除年遠無可考者不敢強附
餘皆詳其年次籍貫列於秩官之內

龍門稱良史為其善序事理指點分互次第不紊
故也惟志亦然夫有輿地而後有建置有建置而
後有秩官而人物麗焉賦役出焉古蹟以資憑弔
新異以驗休咎至人文炳蔚見於詩賦歌頌又莫
非百里內踵事增華點綴景物也今按次叙入庶
閱者免五色迷目之憾

新野縣志卷之一

新野縣知縣常山徐金位纂修

哈佛大學
哈佛燕京
圖書館
珍藏印

輿地志

先王體國經野畫土分疆課職守以勵官常典至鉅
也新野界襄宛之間唐虞三代無所著名自漢始置
為縣魏晉以來或升而為郡或附於他邑紛更屢矣
至元復置縣屬南陽郡邑雖蕞爾而觀休咎於天象
察形勢於山川辨物產之美惡紀風俗之醇漓皆守
土者所有事也作輿地志

沿革

新野在禹貢豫州之域荊州之交夏書荆河惟豫州注云北距河西南至荆山此邑及鄧浙等處是也

夏商周新野爲鄧國地夏仲康子封於鄧商武丁封湯之裔於鄧春秋載桓公七年鄧侯吾離朝於魯

春秋魯莊公十六年楚子滅鄧地遂屬楚後楚以藍田之敗更沒於晉威烈王二十二年韓魏趙三分晉地又析屬韓安王十三年秦襄王伐韓取穰封魏冉爲穰侯又取鄧封公子慳爲鄧侯穰鄧遂分爲二其

域今皆屬鄧州

秦始皇并天下置南陽郡合穰鄧爲穰縣新地隸焉

漢始置新野縣屬南陽郡亦統於荊州部東漢因之

魏曹操拔新縣劉琮舉荊州降地遂屬魏

晉於新野置義陽郡領穰鄧等十二縣亦統於荊州部尋復改爲新野郡徙治棘陽在今新唐二縣之界

宋以棘陽縣屬河南郡仍徙新野郡治於故縣地改隸雍州部南齊因之永泰沒於魏魏置荊州部於穰縣郡隸焉

新野縣志 卷之一
西魏改稱黃岡郡尋復舊又省爲鎮入棘陽而改棘陽
爲百寧縣尋復稱棘陽

後周省棘陽縣入新野鎮

隋開皇三年仍置新野縣屬鄧州是年改魏於穰縣所
置荊州部爲鄧州隸豫州部初南陽郡治宛大業三
年改宛爲南陽縣鄧州爲南陽郡新野穰縣南陽
陽順陽冠軍菊潭新城八縣并屬焉

唐太宗時新野省爲鎮入穰縣隨鄧州南陽郡隸山南
道先是高祖改南陽郡爲鄧州至是復爲鄧州南陽

郡明皇時又隸山南東道

歷五代至北宋改郡爲軍尋復爲州或統於京西南路
紛更不一而新野之人穰縣俱因之

南宋屬於金亦隨穰縣隸河南路

元世祖復置新野縣屬鄧州統於河南江北道順帝至
元八年陞金所置中州爲南陽府卽宛地新野隨鄧
州并隸焉明因之隸河南布政司成化十二年兼統
於鄖陽撫治

國朝因之順治十八年鄖撫裁康熙十五年復設十九

年又裁

疆域

按縣境東西廣七十里南北袤九十五里至省城七百二十里至

京師二千二百里

東至唐縣界四十五里至唐縣治一百四十里

西至鄧州界四十五里至州治七十里

北至本府南陽縣界四十五里至南陽縣治一百

十里

南至湖廣襄陽縣界四十五里至

十里

東北至南陽縣界五十里至南陽縣治一百五十里

西北至鄧州界三十五里至州治八十里

東南至湖廣棗陽縣界四十五里至棗陽縣治一百

三十里

西南至湖廣襄陽縣界四十五里至襄陽縣治一百

三十里舊志載縣境西南接光化縣界西北接鎮平縣界東北接泌陽縣界無可考證附此以志

疑闕

星野

按魏太史令陳卓州郡疆次翼軫楚荊州南陽入翼六
度柳七星張周二輔河南入七星三度一統志南陽
張分野鄧州志鄧爲三河之域星曰鶉火宮曰獅子
辰曰午分曰周值柳星張之宿初柳七度終張十四
度合諸書考之新野界於豫南荆北密邇宛鄧其分
星固槩可識已

山川

蔓荆山縣北四十里白水之西積沙高數丈峯巒特起

狀如堆雪多產蔓荆故名

小蔓荆山縣西三里許白河西岸積沙高聳亦產蔓荆
白河卽涓水源出嵩縣雙鷄嶺經宛至縣北四十里岡
頭鎮分而爲二其一東經沙堰鎮南折至縣東北五
里許復折而西始與湍水合係白河故道湮塞日久
因名曰舊白河其一自岡頭西南與潦水合潦亦名
大澗河經樊家集楊家集與湍水合舟楫往來名曰
新白河三水至城西北合流以下統名曰白河南入
漢江

潦河縣西北四十里舊志謂源出南陽西南自白河不由故道遂與潦爲一

湍河縣西北五里源出盧氏熊耳山經內鄉繞鄧州城北名七里河折而東南與潦河會至縣西北入白河
刁河縣西南二十八里唐貞元十三年吳少誠所開源出內鄉西北蕭山逾鄧至縣入白河

溧河縣東十五里源出南陽東南溧河店係白河支流繞邑東南至魏家灣復入白河

唐河縣東四十里卽泌水也由唐縣繞邑境龍潭蒼溪

鎮南與白河會

澗河縣東三十里源出南陽周仁陂經縣東任家橋南流入唐河

小澗河縣西北十三里源自鄧州東南至縣境會潦入白河

龍港縣南十八里昔有龍潛於中故名

芰湖縣南十里湖水漣漪多產芰荷故名

黃郵水城南四十五里俗名黃渠河古黃郵聚也漢吳漢與秦豐戰黃郵水上卽此

赭水未詳

明邑令李登論曰余嘗遐眺城北城西兩蔓荆積沙而成不當山之一阜以此地無山故首稱焉然土人爲余言山爲水所噬今河中央則曩山麓也載稽水道按圖可知自上來者凡七中滙而爲三末滙而爲一其來之道甚多而去道甚寡是以邑歲有水患水至則泛濫無涯水去則傾圮如截大抵濱河兩岸此消則彼長此長則彼消長者未必可田消者卽已納無地之稅矣往歲通守郭來署縣事嚴覈無糧之地

得四十餘頃畝徵粟斗五升然已重矣而消者未及豁牒訴紛然余爲請於上得允民始稱便然河濱故消長不常不能必後之不變要在疏河渠以通水利焉耳


八水會一之圖

第二道係小澗河來源下處另陳於左

第三道係漢河來源下處另陳於左

第四道係為漲渠下為沙河來源下處另陳於左

第五道係唐河來源下處另陳於左




大澗河
水向西南

韓家營


郝家渡
古之爾河口

龍
鐵牛嶺



姑庄

魏家灣



八河會一圖解

右繪第一道曰唐河經唐入新頭尾皆屬唐轄惟中一截計長三十里屬新在城東四十五里至襄陽朱家集入清水

右繪第二道曰小澗河在城東北四十二里收南陽竟方野潦並新邑良方野潦中跨任家大橋曲灣一十二里入唐河會清

右繪第三道係溧河支分清水由南陽馬渡堰下至葉家橋入新自北繞東復南計九十六里至溧河口村

入清

右繪第四道係沙河上爲漲渠下爲沙河城東北三十里河尾離城十五里收南陽野潦發源自黃姑橋之上交界入新曲灣二十九里入溧達清

右繪第五道曰老白河卽清水故道自岡頭東轉南遶沙堰龍背鐵牛嶺西與湍會龍背店上下有堰口二處灌城東南北一帶田今清水由岡頭入於大澗鮑家灣西北河口積沙高丈許寬六十三丈計長三里餘河頭離城四十里河尾離城三里河間沃土民多

開墾報糧已久現在乾涸

右繪第六道曰大澗河亦曰潦河源出南陽西南流至城西北五里許入湍自清水從崗頭入大澗河遂改名曰新白河舟楫皆由此行至城西總名曰清水南流二百餘里入漢江

右繪第七道係七里河即湍水自盧氏熊耳山發源經內鄉州入新境曲灣五十二里至兩河口會清

水

繪第

曰乃河自內鄉東北蕭山發源遠

三十七里至西

店

形勝

山列秀入水環流陸海舟車秦楚襟帶扼南國之咽喉為中州之屏障皇馳伯驟英雄用武之區召澤杜陵禹奠上中之壤一望平原雖無天險四塞之固六衝孔道實據坤中要害之防

風俗

史記漢書南陽本夏禹之國人尚忠朴猶有先王遺風自秦滅韓上氣勇好商賈漁獵及召信臣為太守勸

民農桑去末^上歸本民以殷富信哉君子之德風矣一
統志鄧州之俗古稱醇厚州志新野俗崇詩禮務勤
耕稼婚姻喪葬義在相周商賈技藝事皆少習縣舊
志邑俗歲時儀節大率與旁邑相通

明邑令李登論曰自余問俗於茲邑人爲余言國初風
俗信如舊志云云邇來則不然其間學士大夫喪祭
用朱文公儀節婚且備六儀非不近古可漸磨禮教
然徃徃童而冠同姓者常爲婚士居親喪時時易服
行慶賀謁官長以爲敬汗陌之民不爲終^必計稍豐

稔卽家置酒相歡競一^款便窘迫或妻^加

閭閻更習淫奢崇勢利蔑少長之節今^此

矣果無良有司之表正耶抑學士大夫未

之耶欲挽弊習而復之古道均之不容辭其

鄉村

舊志祇載其人烟衆多及地名相傳已久者

星村落不能悉載今仍之

南路

柳林三里白水之澗汎檣上下桃柳千株邑之勝

也

白河舖 十二里

張家小店 二十八里

張家樓 四十里

桃園村 二十里

五龍廟 二十五里

給孤寺 三十二里

深河口 三十里

北路

五里古名昌樂鄉

龍背店 十里

東趙庄 十八里

原河 二十里

西趙庄 二十二里

太山廟 二十五里

後庄村 二十五里

安樂寨 二十七里

鳳鳴鄉 二十八里

駱家庄 二十八里

堰窪村 三十里

石羊崗 三十里

夏官營 四十里

車兒灣 四十里

鮑家灣 四十里

野白崗 三十里

迴龍寺 四十里

小侶渠 四十里

關橋村 四十五里

古城寺 五十里

西路

菓園村 六里深溪密樹景物頗幽

桃湖庄 十五里

瓦亭陂 十二里

宅子村 十里

宋庄村 十五里

高橋黑龍廟 二十里

港口村 二十四里

雙廟 三十里

上庄寺 三十里

客貨營 三十七里

江石河 五十里

集鎮

南關集

東關集

新店鎮集 城南三十里

岡頭鎮集 城北四十里

陳家集 城南三十里

龍潭店集 城東三十里

楊家集 城西北二十五里

槐樹店 城北二里

田九店 城東北七十里
以上載舊志

北關集

西關集

沙堰鎮集 城北三十里

樊家集 城西北二十五里

王家集 城西北二十四里

北正店集 城西北四十五里

沙臺店 城南十八里

蒼苔 城東四十里

橋樓寺 城東北三十里

黃龍集

城北四十里

溧河鎮

城東二十里

北河鎮

城西北二十里

太石橋

城西南四十里

物產

穀類

黍 稷 稻 麥 豆 芝蔴

蔬類

茄 瓜 芹 芥 莧 瓠 芋 苡露

菓類

棗 柿 桃 梅 杏 李 梨 榴 葡萄

花類

蓮 菊 萱 紫荊 紫薇 梔子 薔薇

木類

栢 槐 榆 椿 桑 桐 楸 柘

藥類

何首烏 蒼朮 枳殼 杏仁 茨菰 車前 酸棗

禽類

鷄 鵝 鴨 雉 鴿 鴛鴦 鸚鵡

獸類

馬 牛 騾 驢 豕 犬 羊 兔

魚類

鯉 鯽 鱖 鮑

水類

鱉

貨類

布 絲 綿 油 青礬

新野縣志卷之二

新野縣知縣常山徐金位纂修

建置志

昔先王建邦設都幅員廣狹不無異制而建置之典
附庸亦等於侯伯自秦置郡縣設守令雖縣隸於郡
令統於守而一邑規模不異郡省也新雖彈丸乎其
間城池以固牧圉公署以布政教興賢育才則有黉
序祈福報功則有壇壝置郵當南北之衝倉庾裕三
九之計兵防必飭里甲有編溝洫遠懷夏王陂堰猶

思召杜旌揚懿美坊表斯存廣濟行人津梁不廢覽厥規制亦云備矣爰作建置志後之君子隨時修葺踵事增華亦將有考於斯編歟

城池

新野自漢置縣初無城池東漢劉備屯兵始築土城週圍二里晉置郡治南齊劉思忌爲太守增築外城而舊土城因名子城歷代修濬莫詳明天順五年知縣趙潑重修週圍四里高一丈三尺厚一丈五尺城外爲池深五尺濶一丈五尺環爲四門東曰朝陽

曰通德南曰望遠北曰迎恩上各建樓成化十二年知縣孫詔修築覆以椽瓦正德六年有警知縣高廷祿增修外甃以磚列樓櫓高增一丈二尺凡得二丈五尺嘉靖四年知縣江東復內甃磚浚池深增五尺凡得一丈濶增一丈凡得二丈五尺四城樓以明季亂燬今南爲知縣汪永瑞建於順治六年東西北爲知縣崔誼之建於順治十五年城垣歲久圯壞爲知縣顏光是重修於康熙二十五年城內舊爲中關外爲東西南北四關南關外正德十年增築新城

郎院李撤

教諭杜鸞督建週圍二里外亦為壕闢東西南三門歲久悉廢內城南門樓乾隆八年知縣張昌蕃重修

公署

縣治創肇於漢居子城之中晉置郡治移城西南隅歷代因之明洪武二年縣丞李思誠重建洪治十年知縣宋琢重修嘉靖中知縣陳世祿歐世祿朱塗相繼增修中為牧愛堂東為公庫西為幕廳北為永玉堂西為退思堂康熙壬子知縣高起鳳重修堂後為問心亭左為憩息居亭俱康熙中知縣武國樞創修

又北為縣廨東為典史廨其西今為湍陽驛大堂前為月臺中為戒石亭東序為吏戶禮承發房西序為兵刑工舖長房各房後為吏舍戒石前為儀門左右為角門乾隆癸酉知縣徐金位重修大堂前班房六間重修三堂五間創修捲棚五間書房三間補修宅門以內房廊墻垣

大門三間其外為屏壁西為申明亭東為旌善亭又東為宣化坊亭坊今廢大門內左有土神祠東為迎賓館萬歷三年知縣傳來鵬建康熙四十六年知縣

林文模改賓館爲貯穀倉大門內右爲狴犴乾隆十八年雨圯重修完固

行臺察院在縣治東洪武二十六年知縣馬希敬創建成化二十三年知縣薛琦重修嘉靖三十年知縣吳承恩增修康熙二十六年知縣顏光是又重修中爲正堂北爲川堂又北爲燕堂兩翼爲廂房南兩廊爲吏皂舍中爲儀門前爲大門布政分司在治東鍾鼓樓外按察分司在治東儒學西兩司今皆廢府館在治東路南洪治十四年三簿戴嵩重修歲久頽

萬曆四年知縣傅來鵬改修貯常平倉穀

學校

儒學在縣治東古子城內初在子城外元末兵燬洪武六年主簿劉莊改建今所成化六年知縣趙濬重建十二年知府段堅同知任義重修十九年教諭熊璉洪治十年知縣宋琢相繼增修嘉靖十年教諭胡清重修三十六年知縣吳承恩增修隆慶六年知縣田應鳴增修萬歷元年知縣李登重修明末寇亂多就圯燬

國朝知縣汪永瑞建明倫堂知縣崔誼之教諭孫行恕
宋昌蔭訓導甯象斗杜永昌修正殿葺兩廡建戟門
濬泮池立名宦祠康熙二十八年知縣顏光是教諭
李皓訓導常應經建東西兩序爲齊宿所焉
先師大成殿五間上懸

御書匾額康熙二十五年

頌萬世師表雍正元年

頌生民未有乾隆元年

頌與天地參雍正十年奉

五代牲用太

東廡七間 西廡七間 戟門三間 櫺星門三間

泮池舊在櫺星門內後移於外貢生趙恬祖相父鳴

岐捐鑿乾隆二年知縣陳德重修

宮牆照壁一座 東聖域門 西賢關門

崇聖祠三間戟門東雍正二年奉

言進王爵改啟聖祠爲崇聖祠乾隆十年奉

有官員每逢朔望詣崇聖祠行禮

名宦祠三間在戟門左鄉賢祠三間在戟門右

明倫堂五間 敬一亭三間嘉靖九年建臥碑在焉

康熙五十五年知縣周本治重修 尊經閣在亭後

明知縣吳承恩建今廢 東序舊名務本齋 西序

舊名明德齋今廢 神厨 宰所舊在射圃東西隙

地建今廢 射圃舊在戟門西今廢 學門舊在櫺

星門西教諭熊璉改建於東 教諭廨在明倫堂東

訓導廨在教諭宅南 忠義祠三間在訓導宅南

節孝祠三間在小東關二祠春秋致祭

奎樓在學宮東南隅康熙三十五年知縣張璽創建

乾隆十九年知縣徐金位重建

議事臺 鐘鼓樓康熙二十八年知縣顏光是重修

乾隆十九年知縣徐金位重修

附

聖廟禮器樂器樂章

禮器

簋爵坫登銅簠簋籩豆牲盤俎毛 血碟饌盤供案香

鼎香几花瓶香盒燭臺燭檠太尊 山尊雲雷尊犧尊

象尊雲雷壺尊幕龍勺供尊案祝版獻尊案福爵昨

盤壘洗壘洗案盥盆盆架悅巾巾筭燔爐葵竿茅沙
池執爐提爐高照燈弔燈庭燎路燈燎又瘞歛齋牌
戒牌誓牌宿牌班位牌昭穆牌拜席

樂器

麾旛升龍降龍鑄鐘編鐘特磬編磬琴瑟箎風簫洞簫篪
管笙塤楹鼓懸鼓搏拊鼗鼓田鼓祝敔旌節籥翟

樂章

入哉宣聖道德尊崇維持王化斯民是宗典祀有常

精純聖隆神其來格於照聖容

右迎神戒和之曲

自生民來誰底其盛惟師神明度越前聖柔帛具成

禮容斯稱黍稷非馨惟神之聽

右奠帛甯和之曲

大哉聖師實天生德作樂以崇時祀無斃清酤惟馨

嘉牲孔碩薦羞神明庶幾昭格

右初獻安和之曲

百王宗師生民物軌瞻之洋洋神其寧止酌彼金壘

惟清且旨登獻惟三於嘻成禮

右亞獻景和之曲終獻同

犧牲在前豆籩在列以享以薦既芬既潔禮成樂備

人和神悅祭則受福率遵無越

右徹饌宣化之曲

有嚴學宮四方來崇恪恭祀事威儀雍雍歆茲惟馨

神馭還復明禋斯畢咸膺百福 右送神祥和之曲望

按郡縣學宮舊無禮樂器康熙二十八年奉

禮部頒發 國學圖式通行飭修

乾隆八年又奉

旨頒發樂章二本樂譜並附

春季樂章 夾鐘為宮應鐘起調

迎神 咸平

大哉孔子 伏伏伏伏 先覺先知 伏伏伏伏 與天地參 伏伏伏伏 萬世之師 伏伏伏伏

祥徵麟紱 伍伍伍伍 韻答金絲 伍伍伍伍 日月既揭 伍伍伍伍 乾坤清 伍伍伍伍

初獻 甯平

予懷明德 伏伏伏伏 玉振金聲 伏伏伏伏 生民未有 伏伏伏伏 展也大成 伏伏伏伏

俎豆千古 伍伍伍伍 春秋上丁 伍伍伍伍 清酒既載 伍伍伍伍 其香始升 伍伍伍伍

亞獻 安平

式禮莫愆 伍伍伍伍 升堂再獻 伍伍伍伍 嚶協龔鏞 伍伍伍伍 誠孚壘獻 伍伍伍伍

肅肅雍雍 伍伍伍伍 譽髦斯彥 伍伍伍伍 禮陶樂淑 伍伍伍伍 相觀而善 伍伍伍伍

終獻 景平

自古在昔 伍伍伍伍 先民有作 伍伍伍伍 皮弁祭菜 伍伍伍伍 於論思樂 伍伍伍伍

惟天牖民 伍伍伍伍 惟聖時若 伍伍伍伍 羹倫攸叙 伍伍伍伍 至今木鐸 伍伍伍伍

徹饌伍咸平伍
先師有言伍祭則受福伍
禮成告徹伍母疏母瀆伍
四海鬻宮伍樂所自生伍
疇敢不肅伍中原有菽伍

送神伍咸平伍
鳥繹峩峩伍洙泗洋洋伍
景行行止伍流澤無疆伍
肅昭祀事伍祀事孔明伍
化我蒸民伍育我膠庠伍

秋季樂章 一南呂為宮仲呂起調

迎神伍咸平伍
大哉孔子伍先覺先知伍
與天地參伍萬世師表伍

祥徵麟綬伍韻答金絲伍
日月既指伍

初獻伍甯平伍
予懷明德伍玉振金聲伍
生民未有伍展也大成伍
俎豆千古伍春秋上丁伍
清酒既載伍其藹始升伍

亞獻伍安平伍
式禮莫愆伍升堂再獻伍
響協龔鏞伍誠孚壘獻伍
肅肅雍雍伍譽髦斯彥伍
禮陶樂淑伍相觀而善伍

終獻伍景平伍
自古在昔伍先民有作伍
皮弁祭菜伍於論思樂伍

惟天曠民

惟聖時若

彝倫攸叙

至今水鐸

徹饌 咸平

先師有言

祭則受福

四海黌宮

疇敢不肅

禮成告徹

母疏母賣

樂所自生

中原有菽

送神 咸平

是釋我

洙泗洋洋

景行行止

流澤無疆

聿昭祀事

祀事孔明

化我蒸民

育我膠庠

白水書院城北半里許祀漢光武皇帝以高密侯

禹征羌侯來歙配享創於明嘉靖南汝道劉公

靖癸酉王簿牛瑤萬歷乙酉知縣孫明治王萬安

止相繼增修明末毀於兵僅存故址康熙三十

縣顏光是重建久圯乾隆九年知縣董榕張昌蕃相

繼重建講堂五間大門三間乾隆十八年知縣徐金

位補修大殿乾隆十年知縣張昌蕃斷入絕戶李得

志行糧地一頃九十九畝三分六釐一毫為書院諸

生膏火之資上地每畝一錢六分中地每畝一錢四

分下地每畝一錢二分

社學一正教坊西一官碾里一北門外久廢

義學在南關街東康熙五十年知縣武國樞創建
廢

壇祠

社稷壇在西關外

風雲雷雨山川壇在南關外

邑厲壇在北關外

城隍廟在縣治西北明洪武二年縣丞李思誠創建

土地祠一在治內一在治北

先農壇城東北二里許正殿三間配房二間大門一

雍正五年知縣曹偉建修

八蜡祠在城南關外明嘉靖二十六年知縣陳世祿創

建祀先嗇司嗇農郵表畷猫虎坊水庸昆蟲之神年

久傾圯遺址僅存乾隆五年知縣陳偲重建乾隆三

年奉 憲文先嗇至尊司嗇次之六神又次之劉猛

將軍從祀並祭儀一本典禮與文廟同

漢光皇祠在城南關外久廢今祀於白水書院

漢昭烈祠在城南關外舊在光皇祠後故址明嘉靖三

十二年都御史張改建於演武場西以諸葛亮徐庶

龐統關羽張飛趙雲配饗康熙三十年知縣顏光是
重修以上各壇祠祀典皆載全書城隍之神則附祭
於山川壇厲壇則歲舉三祭春用清明秋用中元冬
用元朔餘俱春秋二祭

關帝祠一在城內東南隅一在城南關一在城北里許
晉楸在焉雍正三年追封三代前殿犧牲用牛一
羊一豕一籩豆各十後殿犧牲用豕各一羊各一
豆各八島各一照文廟之制

昌祠城南俗名張

馬王廟有二一在城內東隅一在城南

高密侯祠城東南四十里

劉公祠明嘉靖間南汝守道祠久廢碑碣尙存見藝文

置郵鋪遞附

湍陽驛

明季在城東南隅玉皇廟故址今改置於縣治
之西卽舊典史廨也

遞運所

舊在縣治之北久廢驛所並屬縣令管理

急遞總鋪

縣治前

溧河鋪

縣東二十里

接官亭舖 縣東三十里

白河舖 縣南十二里

新店舖 縣南三十里

通南舖 縣南四十五里

桃湖庄舖 縣西二十里

雙橋舖 縣北二十里

新安舖 縣北三十里

橫堤舖 縣北三十五里

沙窩舖 縣北三十二里

原額設舖司兵六十四名工食銀兩三百八十四兩

除扣荒實徵銀一百四十三兩八錢三分一釐六毫

至乾隆九年奉文照原額之數發給免其扣荒

舊志 所載舖遞道里遠近甚詳但舖兵及工食銀兩數目尚未清載今悉補入

倉庾 穀石附

常平倉縣治東南舊府館地康熙三十年知縣顏光是

重修

西倉縣城西久廢

義倉凡四處一縣南三十里新店舖一縣東三十里龍

潭店一縣北三十里樊家集一縣北二十四里港口村
以上載舊志

收冬藏字號三倉共八間在縣署後雍正四年奉文建立

立
餘倉二間在衙神廟南雍正六年奉文建立

天字號倉三間在縣堂西雍正八年詳請建立

日字號倉二間門樓一間在倉房院內雍正十二年
詳請建立

新監倉十間在察院舊基內乾隆三年奉文建立

來暑字號二倉原設新店舖乾隆二年知縣陳德

城內

往秋字號二倉原設沙堰鎮乾隆二年知縣陳德

城內

四路社倉二十處雍正二年奉文建立尋已詳請歸併
四處

常平倉乾隆十四年奉文定議照雍正間穀數爲準遵
依原額存貯穀一萬五千石

各鄉社倉共貯穀一千七百六十一石四升六合一勺

八抄

恤政

養濟院在縣治東

普濟堂在城南三里許雍正十二年知縣萬廣燕奉文
建修佛堂三間廂房二間茶房一間外草房三十間
貧民居住邑人馬象賢捐地七畝六分二釐每畝種
銀二錢典史潘錦營花陂田二頃二十四畝七分一
釐八毫每畝種銀一錢又捐項銀二百九十九兩
年二分行息養濟貧民

專民藥局久廢

桑園城北三里許地十八畝今廢

里甲

關廟里 縣週圍一里

安樂里 縣北四十里

板橋里 縣東北二十里

青羊里 縣北十二里

官碾里 縣東北三十五里

涓陽里 縣南三十五里

湍口里

縣西十五里

以上洪武初編

趙庄里

縣北二十里

唐河里

縣東四十五里

湍陽里

縣南三十里

新安里

縣南四十五里

永安里

縣南十五里

上庄里

縣西北三十里

永寧里

縣東南二十里

永興里

縣東三十五里

遷義里

縣西三十五里

凰鳴里

縣西北二十五里

徙仁里

縣東二十里

以上明成化年增編義仁以待

南陽衛

係明唐藩衛地舊隸南陽縣順治十六年歸併新野在縣東北五十里

護儀二衛司

係明唐藩軍戶地舊隸南陽縣順治十八年歸併新野在縣東北五十里

閩營里

國初撥閩兵屯田於新各戶錢糧其副將張德總收彙交德故至乾隆元年新設閩營里

兵防

演武場在城東南里許匝地四十畝舊有廳久廢康熙

壬辰知縣武國樞重修今廢廳前東邊為旗臺去臺

西南百餘步爲轅門縣爲鄧新營汎地該營分出千
總一員馬兵十四名步兵五十六名駐縣按時操練
以資防禦千總則解於城西偏縣治之北

舊載馬守兵丁六十八名雍正九年奉文添守兵八
名乾隆二年奉文添守兵十二名乾隆九年奉文議
裁守兵十五名乾隆十年撥來鄧州馬兵六名撥還
守兵六名赴鄧現存馬兵二十名守兵五十三名乾
隆四年奉撫文照北直磁州式樣建立塹臺營房七
座每處塹臺一座望樓一間烟塹五座營房十一間

每塘馬兵二名守兵三名

南塘沙台店

新店舖

通南舖

北塘板橋舖

江家庄

夏官營

西塘桃湖庄

陂堰

羅陂載地三十七頃七十畝三塘聯絡渠通白河

化陂載地一十七頃六十二畝五分

王陂載地伍頃

墓營陂載地四頃六十八畝八分

白家陂載地三頃六十畝

上羊陂載地七頃二十畝七分

下羊陂載地伍頃

花陂載隄長伍百四十丈

漂陂載地一頃五十三畝

諒陂隄長九百丈以上三陂儲水灌田俱東

厚陂載地二十七頃六十二畝伍分

苑亭陂載地二十四頃五十九畝零卽漢樊宏故里

曰陂汪汪下田良樊氏失業庶民昌卽此地

杜長陂載地七頃二十畝

曲尺陂載地伍頃

新陂載地十頃

三泉堰隄長一百六十丈濶一丈二尺深半之

苦竹堰隄長七十丈濶一丈一尺深一丈

紙房堰隄長一百八十丈濶二丈

駙馬堰隄長七十丈濶五尺

柳堰隄長七十丈

土堰隄長七十丈濶二丈三尺截漂河水

新野縣志
桐栢堰長二百一十丈深七尺截土堰及桐栢溝水
長平堰長二百一十丈深七尺截土堰及桐栢溝水

景薦堰長二百一十丈深半之俱西

黑龍堰長二百一十丈深二丈五尺深八尺

隆慶二年知縣田應鳴修復六年知縣李登重修

歷三年知縣傅來鵬重修

短 堰長二百一十丈深一丈深半之

並截音江石二河水

二龍堰長二百一十丈深一丈並截音江石二河水

螭螂堰隄長七十丈濶五尺深一丈

石橋堰隄長一百丈濶五丈深一丈二尺

沙 堰隄長二百六十丈濶二丈深半之

棠梨堰舊志長五百四十丈

眉兒堰隄長一百五十丈濶一丈八尺深半之截潦水

俱北以上陂堰今皆開墾行糧耕種其制俱廢

沙窩舖隄 車兒灣隄 石樓口隄皆地形卑下河水

一漲輒卽滄沒明嘉靖四十四年知縣孫明善修築

隆慶六年知縣李登重修萬歷三年知縣傅來鵬重

修

古隄起自土城西南隅至土邱寺延袤二十五里濶二丈高八尺萬歷三年知縣傅來鵬增修生員徐訪等立石記之

黃龍堰隄

黃太堰隄縣城西北二十五里許有黃龍堰越數里有黃太堰二堰咸受水害康熙五十年南陽太守羅景命知縣武國樞率衆修築有碑記見藝文

縣南隄康熙五十年南陽府通判呂樞攝篆新野興功

修築有碑記見藝文

崗頭隄縣北四十里傍河渠水溢受害四面皆然康熙五十年知縣武國樞興功修築潦不爲災有碑記見藝文

周仁陂見明知縣吳承恩水利議未詳其處

附溝渠圖解

圖解小記

通判王

棻

通州人


昔宋蘇文忠公石鐘山記一出而李渤酈道元之簡陋不駁自明以耳治者虛不若目觀之爲真也舊志河

道一冊規模粗具而原流分合尙不能罄其委折非畧也操筆者大率乞靈於簡牘風聞於土人而身歷河干上溯來脉下究去路若者爲新遷若者爲故道若者爲統滙若者爲支流或未之及焉越西徐君蒞新邑年餘卽留心參考繪之於圖復益以二小圖以收前圖之所不能載不及載者於是百里疆索在指顧間矣

河圖載山川志內

溝渠圖解并隄防陂堰列後

西北溝渠入河之圖



縣西北溝渠圖解

右繪第一道係官渠自北鄉鮑家灣村前起遶堰窪至
王家庄前流入乾河計長三十二里

右繪第二道曰駱家渠自北鄉駱家庄西起至下青
村入乾河計長三里

右繪第三道曰潦河在縣北古大澗分支自樊家集
潦口村西入乾白河計長十二里

右繪第四道曰堰渠在北鄉由史家營入境歸入
河計長二十四里

右繪第五道曰方兒渠乃清水支流至方家營止計長
四里

右繪第六道曰鄭家渠在西北鄉李家營前起繞嶺背
村入新白河計長五里

右繪第七道曰西黃渠在西北鄉自南陽明月岡發源
遶北正店至沙埠口入新白河計長三十二里

右繪第八道係西渠自北鄉楊家集老潭坑來入母渠
入新白河計長一十七里

右繪第九道係小渠自江湖村遶母渠入新白河計長

七里

右繪第十道係大黃渠卽蟻螂堰坐落港口寺史家營前大石橋入七里河計長九里

右繪第十一道係小黃渠卽李魁溝自鄧州野水歸入七里河計長十五里

右繪第十二道係何家渠坐落宋庄上港之南自鄧州發源遶王家營入消計長三十一里

右繪第十三道係吳家溝坐落宋庄二郎堰自鄧州境來入消河計長十里

右繪第十四道曰小河坐落桃湖庄滙鄧州野水入境

遶上港岡入消河計長三十二里

右繪第十五道曰徐家渠坐落新店舖地方自鄧州遶徐家營入黃渠河計長九里


右繪第十六道係南鄉給孤寺官渠自寺庄河入黃渠河計長十八里


右繪第十七道係南鄉馮家渠坐落新店舖地方洩黃家營後坡水入黃渠河計長十五里

右繪第十八道係北鄉趙庄渠自西鄉港口至小趙庄



入新白河道計長十五里

東南溝渠入河之圖





城幼係此



將唐河小澗河沙河分開另繪此以便清叙溝渠也

湖子彈

此東鄉第十四道魚鱗渠

此總圖分繪之為渠渠下為沙河

此總圖分繪之唐河

北坡河渠

此東鄉第十五道渠

此東鄉第十六道渠

縣東南溝渠解

右繪第一道係水字溝坐落東鄉自水龍潭村起逶徐家寨並老龍溝之後入唐河計長十七里

右繪第二道曰趙家溝坐落城東自毛家寨起至九女城後入唐河計長八里

右繪第三道曰黃渠坐落東鄉自馬栗林地方所屬之周家營西邊起逶迴龍寺張家營入唐河計長一十四里

右繪第四道曰桐栢溝坐落東鄉水張家營東入唐河

第五道曰馬渠坐落東鄉土堰村分溧河支流

龍潭地方之溧河舖馬栗林地方之潘家營並迴

龍寺地方之水張家營入於桐栢溝入唐河計長四

十二里疏通古之東西高家營曹溪營數十村數百

頃民地處也

繪第六道曰孟渠坐落東南鄉自水田村前分溧河支流逶五龍廟各村庄入唐河計長十五里

右繪第七道曰中渠即東渠收南陽野水至諒陂之上
交界下入小澗河計長十九里

右繪第八道係南陽地方所轄之石羊岡渠上接孟渠
下達齊家岡郭家營白河舖郭湖村楊家潭達於溧
河計長十五里

右繪第九道曰母渠坐落東鄉自岳家橋起達宋家庄
入溧河計長十四里

右繪第十道曰花陂河坐落東鄉今撥入普濟堂以爲
膳地自李鐵營等四十八村庄來水皆注於此入溧
河計長七里

右繪第十一 係子渠自南陽十里河來至興龍觀東

邊龍頭橋入境卽分兩渠此渠遠焦家店地方之王
家寨並易家橋入溧河計長一十八里

右繪第十二道曰小侶渠坐落城東北自南陽十里河
來水分兩渠此渠達王家寨入溧河計長十九里

右繪第十三道曰紅沙渠坐落東鄉自小侶渠地方遠
呂家營入母渠達溧河計長九里

右繪第十四道曰魚鱗渠達沙河歸入溧河計長十五
里

新野八河有無隄防列左

一唐河頭尾係唐縣所轄惟中間一節計長三十里屬新從來無堤

一 小澗河兩岸無堤

一 溧河兩岸無堤

一 河兩岸無堤

一 白河兩岸無堤惟車兒灣現存一堤計長四里

一 大澗河今清水並流呼爲新白河計長一百零三里地畫宜舊有堤遭水衝擊斷續不等

一 河兩岸俱有堤堰

一 刁河兩岸無堤

一 江石河東岸堤一道計長八里

一 西北鄉鄧家庄護村堤一道計長四里

一 沙窩堤自南陽交界起至桐樹灣止

一 石樓堤未詳

一 古堤坐落白河東岸李家堤下截遠至白河舖計長五里

一 黃龍堰堤今黃龍集北沿河之處今無

一 黃太堰堤今鮑家灣左黃太岡東邊是也

一沙台堤於康熙五十年經南陽通判呂攝篆新邑修築存有碑記歷三十五年此堤與驛路崩入河邑令徐金位勸民讓地復築堤修路長一十三里高一丈寬三丈餘

陂堰詳考

原志所載陂堰惟列頃畝若干未詳坐落此屬水田要事倘再經歲月萬難找尋復古者何以考核謹臚列於左

羅陂三塘

羅陂一塘餘畝

渠水不遠石羊渠

渠水不遠石羊渠

渠水不遠石羊渠

化陂

東鄉戴家營

王陂

東大路之北

白家

白家

系與志

厚橋與鄧州界相近窪地是也

厚橋

厚橋與鄧州界相近窪地是也

厚橋

厚橋與鄧州界相近窪地是也

厚橋

厚橋與鄧州界相近窪地是也

厚橋

厚橋

厚橋與鄧州界相近窪地是也

厚橋

厚橋與鄧州界相近窪地是也

厚橋

厚橋與鄧州界相近窪地是也

厚橋

厚橋與鄧州界相近窪地是也

厚橋

陂有堰口在焦家樓半里乾河東邊是

杜長陂

杜家岡宋庄西窪地是

新陂

潦口村南現有潦河堰口西邊窪地是也

三泉陂

后庄龍泉寺望夫石下沿河地今民悉墾

苦竹堰

樊家集新白河邊與前嶺背相對其尾在八里堂

邊曲灣二十餘里僅有其形今皆墾為熟地

紙房堰

車兒灣北一里許乾河東岸現在堰口東窪地是

駙馬堰

新白河西岸兩河口韓家營現有堰口西窪地是

柳堰

柳林李家堤之東窪地是

土堰

今屬村名坐落溧河鋪之北東西兩岸窪地是

桐栢堰

今屬桐栢溝坐落廻龍寺水張家營東窪地是

長平堰

舊載南陽護衛里今屬新魏家寨西窪地是

藁薦堰

沙堰下載東岸乾白河邊通馬家大庄東窪地是

短堰

黑龍堰西二里許窪地是

二郎堰

屬宋庄所轄戴家營前窪地是

蟻螂堰

城西北港口寺河南岸史家營前大黃渠以上窪地

是也

沙堰

今屬鎮名東窪地是

棠棣堰

夏官營東南窪地是

眉兒堰

李魁溝里許西窪地是也

坊表

宣化坊 縣治東

政教坊 縣治西

澄清坊

道統坊

雲衢坊 奎樓旁

世美坊 縣治東北為舉人蕭聰及其子蕭麟立

白坊 縣治東北為進士蕭禮元立

龍津坊 為舉人齊雲立

京捷坊 為舉人羅濬立

天衢坊 為舉人喬木立

肅儀坊 為李論立

世芳坊 為進士白琮立舊志云嘉靖中乘輿南幸各坊

豸史坊 縣治西北為進士劉良卿立

鳳誥馳恩坊 縣治東為進士陶鴻儒立

貞節坊 縣治北為生員康忠恕妻劉氏立

貞節坊

縣治東為生員張岱妻蕭氏立以上並存

沙堤坊

縣北三十里明張江陵相國遊此邑今傳來鵬為之建坊今廢

節孝坊

縣治北為監生楊瑄側室平氏立

節孝坊

縣治東北為韓錫璋之妻張氏立

節孝坊

在南關為徐有林之妻魯氏立

節孝坊

在崗頭鎮為鄭宗洪之妻曹氏立

節孝坊

在沙堰鎮為鄧大慶之妻焦氏立

節孝坊

在小東關為魯士任之妻宋氏立

節孝坊

在河西菓園為趙篤明之妻高氏立

津梁

普惠橋

東門外

博愛橋

南門外

廣濟橋

西門外

通遠橋

北門外俱知縣薛琦創建

兩河渡

城西北五里湍清合流處通鄧州

新店渡

城南三十里白河所經流通襄陽

江石渡

城西南二十里

瓦頭沙渠石橋 城東十五里

溧河石橋 城東二十里

馬槽渠石橋 城東南二十里

澗河石橋 城東北四十里似唐縣義民劉讓創建

石龍橋 城南二里明隆慶元年鄉民黃霽獨建

岳家橋 城東北三十里隆慶四年鄉民呂守愚倡修

才河石橋 城西南二十里明嘉靖二十八年徐欽倡修

石橋 一在城南七里嘉靖二十一年鄉民李鸞倡建一在城西北十里嘉靖二十年鄉民白勳倡建一在城西南三十五里嘉靖

三十年省祭社思創建

大石橋 城西四里嘉靖三十四年鄉民鄭演創建

進仙橋 城北八里明天順四年知縣蓋謹創建

雙龍橋 城北雙橋鋪北數十步

陽關橋 城東北二十五里創建未詳

小河橋 城西七里明萬歷三年邑人趙相獨建

官橋 城東四十里通唐縣官路創建未詳

Blank page with faint vertical lines and bleed-through from the reverse side.

